

اوننگ گوجری نیوز بولٹن 21 فروری 2025

HEADLINES

- ۱۔ وزیر اعظم نریندر مودی نے آج نوی دہلی مانہ سول رہنمائی کانفرنس غو آگاز کیو تانجے نوجوانان مانہ بہترین قیادت غی صلاحیت پیدا کی جاسکے۔
- ۲۔ سرحدی کشیدگی غے دوران بھارت تے پاکستان غی افواج نے پونچھ مانہ چکا داں باغ مانہ کماندر سطح غی میٹنگ کی۔
- ۳۔ چیف سیکرٹری اٹل ڈلو نے کہیو کہ تباہ شدہ جنگلات غی بحالی واسطے عملی منصوبہ بنان غی ضرورت ہے۔
- ۴۔ جموں سرینگر قومی شاہراہ رات بھر بند رہن تیں بعد ہُن گڈیاں غی آمدرفت واسطے کھول دتی گئی ہے۔
- ۵۔ خواتین پرمیر لیگ مانہ آج رایل چیلنجر بنگلور غو مقابلو ممبئی انڈین غے نال بنگلورو مانہ وے غو۔

PM SOUL

وزیر اعظم نریندر مودی نے آج نوی دہلی مانہ سول رہنمائی کانفرنس غو آگاز کیو تانجے نوجوانان مانہ بہترین قیادت غی صلاحیت پیدا کی جاسکے۔ اس موقع ور بوٹان غ وزیر اعظم دشو سرنگ نے اپنا خطاب مانہ بھارت غی سرکاری سکیمیں جسران کہ پردھان منتری آواس یوجنا جیون مشن تے پردھان منتری گنتی شکتی یوجنا نانہ شہراہ۔ اپنا خطاب مانہ وزیر اعظم نریندر مودی نے کہیو کہ سول پہل وکست بھارت غا سفر واسطے ضروری ہے انہاں نے کہیو کہ بھارت تیزی تیں عالمی طاقت غا طور ور آہر رہیو ہے تے ہر شعبہ مانہ پُر عزم لیڈر غی ضرورت ہے۔ وزیر اعظم نریندر مودی نے ۲ اہم اصول بیان کیا پہلو جن سو جگت یعنی عوام غی طاقتو تیں دنیا مانہ تبدیلی لیانو تے دوجو ویکتی نرمان سے راشٹریہ نرمان یعنی فرد غی ترقی تیں قوم غی ترقی ممکن ہے۔ انہاں نے مزید اس طرح کہیو۔ سول گو مقصد بھارت واسطے با صلاحیت تے ایماندار لیڈر تیار کرنو ہے یا ۲ روزہ کانفرنس مختلف شعوباں گا رہنماواں نانہ یکجا کرے۔ نوجوانان مانہ قیادت غی صلاحیت پیدا کرن غی کوشش ہے۔

FLAG MEETING

پونچھ ضلع مانہ آج بھارت تے پاکستان کی فوجاں نے سرحدی کشیدگی نانہ ختم کرن گا سلسلہ مانہ کمانڈر وطح کی میٹنگ کی مہارا جموں گا نامہ نگار نے خبر دتی ہے کہ یاہ میٹنگ پونچھ ضلع غا چکان داغ قبضہ لکیر ور ہوئی ہے جس مانہ دواں ملکان گا اعلیٰ افسراں نے شرکت کی راجوری پونچھ تے جموں اضلاع مانہ قبضہ لکیر غے نیڑے گھولہ باری آئی ای ڈی دھماکہ غا چل رہیا واقعیات غا جواب مانہ میٹنگ منعقد کی گئی تھی۔ دواں ملکان غا اعلیٰ فوجی افسراں نے کشیدگی کھٹ کرن غا طریقاں ور تبادلہ خیال کیو گیویاد دے جے پونچھ غا رائے ملن مانہ میٹنگ گے دوران ۳۹ انفینٹی برگیڈ غا کمانڈر مدیپ مہاجن نے بھارتی فوج غی نمائندگی کی۔

HIZB MILITANT

ریاسی ضلع مانہ پولیس نے ۸۱ براں تیں چھپیہ وا سابق ہزبل مجاہدین نانہ گرفتار کرلیو ہے۔ آکاشوانی جموں گا نمائندہ غی رپوٹ غے مطابق گرفتار شخص غ وناں انور علی چوہان ہے جس غی عمر ۰۴ سال ہے تے وہ گجر تلوارہ ریاسی غو رہن آلو ہے پولیس غو کہنو ہے کہ انور علی ۱۰۰۲ مانہ حزب مجاہدین مانہ شامل ہوو تھولیکن ۷۰۰۲ مانہ ہتھیار ڈالن تیں بعد گائب ہو گیو یوہ

کشمیر تے دوجا نا معلوم علاقہ مانہہ چھپیو رپیو تانجے پولیس تے بچ سکے۔ انور علی ور دہشت گردی غا سنگین مقدمہ درج تھا۔ یوہ ۶۰۰۲ مانہہ ہون آلا ۲ حملان مانہہ شامل ٹھو ایک جنگل مانہہ فائدنگ تے دوجو بڈاری مانہہ گرنیڈ حملو۔ اس حملہ مانہہ ایک پولیس افسر غا والد غی موت ہوئی تھی تے ۴ لوک زخمی ہوا تھا پولیس نے کمی تفتیش تیں بعد اس نانہہ گرفتار کر غے مزید تحقیقات شروع کردتی ہے۔

POONCH DC TB

ڈپٹی کمشنر پونچھ وکاس گنڈل نے ڈی سی دفتر کمپلیکس مانہہ ٹی بی یعنی تپ دق غا معاملہ تے علاج غا طور طریقہ غا نفاذ گو جائیزہ مانہہ ویلا ور تشخیص علاج گی پابندی تے بیداری کیمپاں گی اہمیت ور زور دتو گیو۔ ڈپٹی کمشنر نے ٹی بی غا مریضان نانہہ غذائی امداد واسطے نقشہ متراس نانہہ شامل کرن ور وی زور دتو۔ یاد رہے ۰۲ فروری تیں ۱۳ مارچ ۵۲۰۲ تک چلن آلی غیر متعدی امراض تے تپ دق واسطے چل رہی قومی سطح گی سکریننگ مہم ور تبادلہ خیال کیو گیو۔ مزکورہ میٹنگ مانہہ سی ایم او ڈاکٹر پرویز احمد خان تے دیگر حکام نے شرکت کی۔

PM MKB

وزیر اعظم نریندر مودی ۳۲ فروری ناں آکاشوانی ور من غی بات پروگرام مانہہ ملک تے بیرون ملک مانہہ رہ رہیا لوکاں سنگ اپنا خیالات سانجہ کریں گایا۔ مہینہ وار ریڈیو پروگرام غی ۱ سو ۹۱ ویں قسط وے گی۔ لوک مزکورہ پروگرام واسطے اپنا خیالات تے تجاویز ٹول فری نمبر 1800117800 ور جمع کراسکیں اس تیں علاوہ نریندر مودی ایپ یا مائی گو اوپن فورم گے زریعے اپنی تجاویز وی سانجی کراسکیں۔ مزکورہ پروگرام واسطے تجاویز قبول ہون غی اج آخری تاریخ ہے۔ یوہ پروگرام آکاشوانی تے دور درشن غا پورا نیٹ ورک اے آئی آر خبراں گی ویب سائٹ تے نیوز آن اے آئی آر موبائل ایپ ور وی نشر کیو جے گو۔ اس تیں علاوہ مزکورہ پروگرام اے آئی آر نیوز ڈی ڈی نیوز وزیر اعظم گا دفتر تے وزارت اطلاعات ونشريات غا یو ٹیوب چینلاں ور وی مجازی طور چلايو جائے گو۔ آکاشوانی اس پروگرام نانہہ ہندی نشریاتی تیں ٹھیک بعد علاقائی زبانان مانہہ نشر کرے گو۔

CS FORESTATION

چیف سیکرٹری اٹل ڈلو نے تباہ شدہ جنگلات گی بحالی تے ۱ عشاریہ ۵ کروڑ ہوتا لاغے جنگلات نانہہ گھنوں کرن واسطے سائنسی نظریہ گو منصوبو بنان گی ہدایت دتی ہے ایک جائیزہ میٹنگ گے دوران جناب ڈلو نے جھیلاں اوسی جگایا گو تحفظ تے ولار جیل گی بحالی گی اہمیت ور زور دتو اس تیں علاوہ پورا خطہ مانہہ جنگلات غا تحفظ تے حیاتیات تنوع گی کوششاں نانہہ مضبوط بنان غی ضرورت ور وی زور دتو۔ جناب ڈلو گی ہدایت گو مقصد جموں کشمیر مانہہ ماحولیاتی استحکام نانہہ بدھانو تے لمبا ویلا تک ماحولیاتی بحالی نانہہ فروغ دینو ہے۔

NHW TRAFFIC RESTORED

حکام نے دسیو کہ جموں سرینگر قومی شاہراہ اج سویرے آمدرفت واسطے دوبارہ کھول دتو گیو ہے یوہ رستو گزشتہ شام بنہال مانہہ برف باری تے سڑک ور پھسلن غی وجہ تیں بند کردتو گیو تھو جس تیں کئی گڈی پھس گئی تھی۔ گزشتہ شام ہی برف صاف کرن غو کم شروع ہو گیو تھو تے زیادہ تر گڈیاں نانہہ نکال دتو گیو تھو موسم بہتر ہوتا ہی اج سویرے ۷ بجے قومی شاہراہ ور دوطرفہ آمدرفت کھول دتو گیو۔ بدھار آلی رات تے جمعات نانہہ جموں کشمیر غا پہاڑی علاقہ مانہہ برف باری ہوئی تے میدانی علاقان مانہہ بار □ پئی۔ جس تیں لما عرصہ غی خشکی ختم ہوگئی۔

MARTYR CAPT

شہید کیپٹن تشار مہاجن کی برسی اج عقیدت سے اعترام سنگ ادھمپور مانہ منائی گئی۔ تشار موڑ ور شہید غا مجسمہ ور پھول چاڑن کی تقریب منعقد کی گئی جس مانہ ۹ پیرا غا افسران فوجی جوانان لواحقین سے معاشرہ غا لوکان نے بہادر دل نانہ خراج عقیدت پیش کیو۔ یاد رہ ضے کیپٹن تشار نے فروری ۶۱۰۲ مانہ کشمیر غا پامپور مو مانہ دہشت گرد مخالف کاروائی کے دوران ایک بڑی قربانی دتی تھی۔ تقریب غا موقع ور شہید تشار مہاجن غا والد دیو راج تے اُن کا اُستاد ڈاکٹر وکرم گلاٹی نے اس طرح کہیو۔

ANNOUNCEMENT

علاقائی خیراں آلو شعبو آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی سی غو پینل بنان خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہ دلچسپی رکھن آلا ایسا اُمیدوار درخواست دے سکیں گا جہیڑا ضلع کٹھوعہ گا بسنیک ویں تے اُن غی عمر غی حد ۲۲ براں تے ۰۵ براں توڑی مقرر کی گئی ہے۔ پی ٹی سی غی اس پوسٹ واسطے تعلیمی قابلیت پی جی ڈپلمو یا صحافت غا شعبہ مانہ ڈگری یا پھر تسلیم شدہ یونیورسٹی تیں گرجویشن غے ہمراہ ۲ براں گو صحافت مانہ تجربو مقرر کیو گیو ہے۔ اس تیں علاوہ کمپیوٹر تے وڈ پروسیسنگ نالے خبر اکٹھی کرن آلا آلات نے میڈیا کوریج مانہ تجربو وی ضروری ہے۔ عارضی نامہ نگار غی پوسٹ مانہ دلچسپی رکھن آلا اُمیدوار واسطے لازمی ہے جے ضلع صدر دفتر کٹھوعہ یا اس تیں ۰۱ کلو میٹر غا دائرہ غے اندر رہائش پزیر وے اس سلسلہ مانہ درخواست غی ہاڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہ بزات خود آئیندہ ۷ مارچ ور دستیاب ہے۔ www.newsonair.gov.in توڑی دے سکیں۔ اس بارے مزید جانکاری ویب سائٹ

CRICKET

خاتون پرمیر لیگ بنگلورو مانہ اج رایل چیلنجر بنگلور غا مقابلو ممبئی انڈین تیں شام ساڈے ست بجے وے غو۔ رائیل چیلنجر سمرتی مندانا غی قیادت مانہ ہُن توڑی سارا مقابلہ جت غے پہلا درجہ ور ہے جدکہ ممبئی انڈین ہرمن پریت کور غی قیادت مانہ ۱ بار تے ۱ جیت غے نال تیجا نمبر وے ہے۔
